


کتابخانه مجموعه سی

ناشر: شرکت ملی درخت

آبده بر بختار

مدیر: حلال ماهر



میتان: کش غرووش

طبعة مصر - القاهرة



صوك سنه لار طرفنده سولانيك بلمريه موسوي خسته خانه لرنده عملياتلري اجرا ايديلم.

بطن جروح نافذه سي حقده بعضي مطالعه لر

فن جراحيده بطنك جروح نافذه سي قادار موضع تدقيقه قونولمش
بلكه ده هيچ بر مسئله يوقدر. بوبابده يكي بر شي يازاجغم ادعاسنده بولونماقله
برابر حرب اخير ابتداسنه قادار امور جراحيه سي عهده مه مودوع بولونان
سلانيك بلديه وموسوي خسته خانه لرنده ۱۹۰۹ سنه سي نهايتدن ۱۹۱۲ سنه سي
صوكنه قادار مشاهده ايتديكم بطن جروح نافذه سي وقعه لرني بر قاچ كله
ايله ايضاح و خلاصه نشرينك موجب استفاده اولاجقني ظن ايدهرم. سلانيك هلال
احمر خسته خانه سنده مداوي وايكي دانه سنه عمليات ايتديكم و جمله شفايله نتيجه له نن
اون ايكي وقعه دن بوراده بحث ايمه يه جكم. بونلر حقنده معلومات آلمق ايسته ين قارئلك
فرانسه طبابت عسكريه جمعيتنه واقع اولوب، مذكور جمعيتك اوچ نومرولى و آلتى شباط
سنه ۹۱۳ تاريخلى مجموعه سنده نشر اولونان بياناتى مطالعه ايله مه لرني توصيه ايدهرم.
وظيفة ملكيه م [Pratique civile] اثناسنده مشهورم اولوب بوراده
خلاصه ايدهرم اون آلتى وقعه واردركه بونلردن (۱۳) ي عملياتدن صوكرا
شفا بولمش و (۳) ي وفات ايتمشدر. مشاهده سي آتیده مطالعه اولونا جق
اولان بر خسته نك عملياتدن قرق كون صوكرا اسبابنك تعينى مشكل بعض
عوارض ايله وفاتنى عملياتك موفقيتسزلىكى عد ايدهرم يه جكم. شمدى اولابو
وفات وقعه لرني تدقيق ايله نتيجه مشؤمه نك هانكى سببه اسناد ايديله بيله جكنى آرايالم :

برنجى مشاهده

ايشته سزه بر مشاهده كه بونده وفاتك سببى بطنده كي جريحه يه ده كل
رئه نك واسع بر ياراسنه عطف اولونمق لازم كله چكى ظننده يم :

صدر و بطنك جروح نافذه سی - بطنده عملیات - وفات

بلدیہ خسته خانه سی ۲۱ مایس ۱۹۱۱. اتخارده تصدی ایتمش بر آدامده اوچ
یچاق یاراسی : بریسی کبد ناحیه سنده ، ایکینجیسی عظم قصک اوچنده ،
اوچونجی ناحیه قلبیه ده . بو ص-وک جریحه سبیلله جرحی عسرت تنفس
موجود فقط نرف یوق . کبد ناحیه سنده کی یاراده چوق نرف وار .

کشاد بطن [Laparotomie] عملیاتی : یچاغک اون برنجی غضروفی
[Cartilage] کسوب قره جگری ده لمش و حویصل صفرا [Vésicol biliaire]
تک صاغ طرفندن کچوب خفیفجه امعایه طوقوندیغنی کوسترییور که بوده امعا
اوزرنده کی کدمه (لکه) [Ecchymose] ایله آکلاشیلیور . فقط امعاده
یارا یوق .

قره جکرک محذب وجهی دیکیلهرک یچاق اوچنک چیقدیغنی اوفاق
وقانایان یارایه ، ایکینجی یچاق یاراسی حذا سنده وقره جکر اوزرنده کی بر
چیزکی یه « تامپونمان » [Tamponnement] و رته ده کی یارایه « پانسمان »
یایلمش و خسته یه « سروم » و کافورلی یاغ [Huile camphré] زرق
ایدیلش ایسه ده خسته اوچونجی کونی وفات ایله مشدر .

بو مشاهده ده سبب وفات اولارق ایکی احتمال کوروپورز : بری قارا
جکرک ، دیکری ده آق جکرک ترفیدر . بزه معلومات ویره بیلله جک اولان
فتح میت اولدیغنی حالده مع التأسف یایلاماشدر .

وفات ایدن خسته لریمزدن ایکینجیسی عملیات ماصه سی اوزرینه صوک
دقیقه لرنده کتیریلش و « بیستوری » بی آله آلمازدن اول اوله جکنه بزجه
قناعت حاصل اولمش ایدی . بو حالده ایکن عملیاته قرار ویریشمک سبی ایسه
عملیاتک لزوم ضروریسی اولدیغنی وقایعه ده - یاپاجغم ایستاتستیکلر ایچین مضر
اولمله برابر - دائما مداخله ایدیلله سی طرفداری بولونمقلغمدر . وهیچ اولمازسه
بو قاعده یه رعایت سایه سنده عمومی بر « پریطون » التهابه طوتولش و عملیات
اولاجنی زمان احوال عمومیه سی مشاهده سنی شمدی ذکر ایده جکمن خسته
قادر امیدسز بولونان بر چوجغک حیاتی قورتاردم .

اینگیلی مشاهدہ

بطنده قورشون یاراسی - ۳۶ ساعت صوکرا - عملیات وفات

۲۶ مایس ۱۹۱۱. سالانیک بلدیہ خسته خانه سنه قورشون ایله اوتوز آلتی ساعت اول یارالانمش قرق یاشلارنده برأرکک کتیریرلر. قورشون صاغ الیه سندن کیروب کوبکی آلتنده خط متوسطدن چیقمشدرد. قارننده کی سیاه، یارادن قورومش و بوغولمش بر ثرب پارچه سی چیقدیغی کورولویور. نبض حس اولونما یا جق قادار ضعیفدر. بو امیدسز حاله رغماً « لاپاروتومی » یاپدم. بطن قان ایله دولو، برامعاء عروہ سنده ایکی کنیش یارا وارایدی. [Par écrasement] امعایی نشر [Résection]، « مورفی » دوکمه سی ایله یان طرفدن دیکیش یاپیلمش، نازل قولونده کی اوفاق بر جریحه دیکیلهرک عملیاته ختام ویریلش ایسه ده خسته ایکی ساعت صوکرا وفات ایتشدرد.

امعانک ده لینمه سندن اوتوز آلتی ساعت صوکرا خسته خانه یه نقل ایدیلن و شفایاب اولمش اولان هیج بر « پریطونیت » وقعہ سی موجود اولدیغنی ظن ایتهم. فقط بویله بر وقعہ قارشو سنده هر بر جراحک مداخله طرفداری اولاجغنه ده آمینم.

آتیده نقل ایده جکمز ایکی مشاهدہ نک بزی اشغال ایدن جروح اندازی نقطه نظرندن پک بویوک بر اهمیت و اردر: مشاهدہ لرک هر ایکسندده آفتزده اولان امعاء رقیقه نک امعاده فعل هضمک اجراسی زمانه مصادف اولمش وهر ایکی وقعہ ده دخی « انتسابی پریطونیت » قرق سکز ساعت صوکرا وفاته سببیت ویرمشدرد. مجروحلردن بریسی زمان جرحدن اوچ و دیکری اوچ بوجوق ساعت صوکرا عملیات اولوندیغنی حالده آرتیق عملیات اثناسنده « پریطون » التهاب اعراضی کوسته ریوردی؛ یمک بقیه لری هضم مایعاتی قارین ایچنی کیرله تمکده ایدی. شونی نظر دفته آمالیدرکه ممکن اولدیغنی تقدیرده خسته نی ویا خود اقرباسنی استجواب ایله مداخله جراحیه دن اول انذار ایچون بونقطه دن مهم اولابیله جک بعض عناصر اده ایتک ممکندر. بوندن ماعدا خسته نک یمک یدیکی ساعته نظراً مجروح اولدیغنی و عملیات یاپیلاجنی ساعتزده فعل هضمک هانکی قسم امعاده جریان ایتکده بولوندیغنی حساب ایتکده لازمدر. ظن

ایده رم که مشغول اولدیغمز بو وقعه لرده امعانک جرحی ، دروننده هضم معائی حال فعالیتده بولوندیغی زمانه تصادف ایده رسه غایت وخیم اولویور و بو وخامت بالخاصه امعاء رقیقه جروحنده داها زیاده در . بر آز صوکر ا بر وقعه ذکر ایده حکم که بونده قولونک محتویاتنک بر قسمی قارین داخلنه دو کولدیکی حالده عاقبتک وخامتنی موجب اولماه شدر . و بو حالی امعاء محتویاتنک طبیعت و قوامنه عطف ایتک ایجاب ایده جکدر . امعاء رقیقه ده کی جرحی برده لیکدن مایع حالده و یاقیجی (Caustique) محتویاتی داها چابوق و داها قولایقله « پریطوان ایچنه یاییلار ق التهابی موجب اولاییلدیکی حالده قالین باغیر صاقلرک بالخاصه صول طرفده کی قسمنک محتویاتی داها قواملی و غشای مصلیلر ایچین داها آز مضر در .

خلاصه : عجبا جرحک وقوعندن مداخله جراحیه اجرا اولونونجه یه قدار کچن زمان ایچنده معده ده باشلامش اولان فعل هضم ینه دوام ایده بیلیرمی ؟ بویولده تحریات اجرا ایدیلوب ایدیله دیکنی بیلیمه یورم . فرضا اگر هضم فعلی دوام ایله معده ایچنده کی موادی بو ابدن (Pylor) باغیر صاقلره کچیره بیلیرسه مذکور مواد امعاده کی ده لیکدن « پریطوان »ه کیده ر . بویله بر حالده خسته بر عملیاتخانه یه نقل اولونونجه یه قدار معده سی محتویاتی امعایه کیتمه مک ایچین معده یی ییقامق کیبی بر تدبیر بلکه فایدالی اولور . بویکی مشاهده شونلر در :

اویغجی مشاهده

بیچاق ایله قارینک نافذ جریحه سی - متعدد یارالر - پریطوان التهابی - عملیات - وفات

ف . اسمنده عمومخانه سرمایهلرندن اوتوز یاشنده غایت شیشمان برقادین ۱۵ مایس سنه ۹۱۰ ده صباحلین ساعت آلتیده بردانه سی قارین داخلنه کیره ن . متعدد بیچاق یارالر ایله مجروح اولمش . بطنک یاراسی سره ناحیه سننده اولوب بش ساتیمترو کنیشلکنده و آشاغییه وحشییه دوغرو منحرفدر . مجروحک احوال عمومیه سی غایت بوزوق ، رنگی صولوق . ساعت طقوز بوچوقده یعنی وقعه دن اوچ بوچوق ساعت صوکر ا عملیات اجرا ایدیلدی : قارین خط متوسط

اوزرندن آچیلش و غایت قالین بریاغ طبقه سی کچیله رک ثربك بطن جدارنده کی (Parois abdominale) برده لیکن چیقمش اولدینی وعین زمانده فناقوقولی برصو آقمده بولوندینی کورولمشدر . باغیر صاقلر خفیفجه یکدیگرینه دوغرو طولانمش (Agglutiné) و اوزرلری کیرلی بر (enduit) ایله مستور . آمعاده ایکی اوافق ده لیک موجود اولوب بورادن قذورات آقیور . وصالاطه یاپراقلری پارچه پارچه صارقیور . ایکی قات دیکیش یاپیلوب امعا و پریطوان تمیزلندکن صو کرا قانامقده اولان ثرب کوزه لجه باغلانمش و (drain) قونیلاق قارین قاپادیلشددر . ایرتسی کونی نبض ۱۴۰، حرارت ۳۹ و خسته ده صیقینی وار . اوچونجی کونی وفات .

دورونجی مشاهدہ

قورشون ایله امعانک جرحی - عملیات - وفات .

ح . ف . یکر می یاشنده . ۷ آغستوس ۹۰۹ ده قضاء پاتلایان بربرو و تنیغ دووه لوه ریله کوبکنک آلتندن یارالانمش قورشون صول شوک حرقفی قدامی علوی نک (Epine iliaque antéro supérieure) ایکی سانتیمتر و آشاغیسندن چیقمش و موسوی خسته خانه سنه نقل اولونمش . وقعه دن اوچ ساعت صو کرا خسته نی غایت آشکار (Choc) حالده ، قی ایده رکن وقارینی کرکین اولارق کوردم قارینی خط متوسط اوزرندن آچارق امعاده کی بش کنیش ده لیک دیکدم . هضم معائی زمانه تصادف اتمه سی حسبیلله باغیر صاغک محتویاتی مبذول ایدی . ده لیکلردن اوچی یکدیگرینه غایت یاقین اولماسی و دیکیشک امعایی چوق دارالتماسی سبیلله برتقمم معائی (Entéro-anastomose) یاپدم . قارین و باغیر صاقلر قاندن و مواد هضمیه دن دقتله تمیزلندکن صو کرا « دره ن » قونولوب قاپاندی . آقشام حرارت « ۳۷٫۸ »، بطن صاییلایما یاجق حالده ضعیف . ایرتسی کون حرارت ۳۸ ، بطن دائماً عین حالده . کافورلی یاغ زرق ایدیلدی . قوید یغمز دره ندن قانلی برصو صیزیوردی . آقشام نبض بر آاز قوتله نیر کیبی اولدی . خسته ادرارینی یامش و مقعددن بر آاز غاز چیقمش احوال عمومیه سی آبی کورو . نویوردی . لکن ایرتسی کونی صباحلین بردنبره فنا لاشارق ترک حیات ایتدی .

یکدیگرینه اولدقجه بکزه یین بوا یکی وقعه ده پریطونک غایت دقتله تمیزله نمه سی — مداخله جراحیه نه قدار چابوق اولمش اولورسه اولسون — اولدن باشلامش بولونان « انتانی پریطون التهابی » نک سیرینه مانع اولاماشدر. باغیر صاقلرده کی یارالک هضم معائی زمانه تصادقک وخامت نقطه نظرندن اهمیتی خصوصنده تکرار اصرار ایده حکم. قومانووه محاربه سنده باغیر صاقلرینی ده لن قورشونلر ایله یارالامش اولان اون بر تفرك یارالانمازدن اول ویاره لاندقدن صو کرا آچ قالدقلرندن جریحه لرینک جمله شفا بولدیغنی اولجه ذکر ایتمش ایدم . شونی ده علاوه ایدیم که فعالیت حیاتمه (Vie active) عجله یتیشیلیمک شرطیه یاپدیغ عملیاتلرک « انتانی پریطونیت » حصونه مانع اولامادیغی وقعه لر یالکنز بوا یکی دانه دن عبارتدر . — حات نزعده کلن وقایع بالطبع موضوع بحث اولاماز. — ذاتاً الیوم مراجعت ایدیلن آسپسی اصولی ولایتیک الیوه نلر قوللانیلماسی سایه سنده پریطوان انتانه کمال امنیتله مماعت ایتک ممکندر . بوا یکی مشئوم وقعه یه مقابل دیگر ایکی مشاهده نقل ایده حکم که بونلرده آفتلرک تعدد و عملیاتک غیر موافق شرائط داخلنده یاپیلمش اولماسنه نظراً انذار فوق العاده وخیم اولاجغنه حکم ایدیه بیلیردی :

بشجی مشاهد —

رووه لوهر قورشونیه قارینک یارالانماسی — باغیر صاقلرک اون بش یرنده ومثانه ده تشب — عملیات . شفا .

۱ نیسان ۱۹۱۰ — ح . — . آرناوود قواص ۴۳ یاشنده . صباحلین بلدییه خسته خانه سنده عجله بر عملیات ایله مشغول بولوندیغ صیراده خسته خانه یه نقل اولونمش یوقاریدن آشاغی یه وصولدن صاغه کلش بررووه لوهر قورشونی ایله یارالامش ایدی . قورشونک کیردیکی ده لیک صول قوس ورکی عانی (Arcade ischio-pubien) اوزرنده وبو خطک اورتاسندن اوچ سانتیمتر و یوقاریده اولوب قورشون قارین ایچنده غائب اولمشدر. احوال عمومیه اولدقجه آئی در فقط کندیسی سرخوش ایدی. تبول احتیاجندن مشتکی اولوب برلکن

ایسته دیکی حالدیه بردا ایلله بیلله ادرار چیقارامادی. هنوز یاپمش اولدیغمنز عملیات سببیه استریلیزه قومپره سار بیتمش، معاونلرم یورغونلقدن بیتاب قالمش، عملیاتخانه ده صوبا فنا و کشف بر دومان چیقارمقده اولدیغنه رغماً در حال عملیاته باشلادم. کوبک حذاسنده عضله مستقیمه نك غمد (Gaine) نی کسه رك شریان شرسوفی (art. épigastrique) باغلادم و کسدم، أمعانی معاینه یه باشلادم. اون بش عدد ده لیک بولدم و « قاتکوت » ایلله هپسنی آیری آیری قاپادقدن صوکر اکیسه شکننده بر دیکیش ایلله جمله سنی برله شدیردم. حفره حرقفیه (Fosse iliaque) ایچندن کلن صوده ادرار قوقوسی یوق ایدی. مثانه ناحیه سنده اوافق بریار ایلله کورمک قابل ده کل. « درهن » و برقاق قات دیکیش ایلله قارین قاپانوب صوندا ایلله مثانه دن سیاهمسی قان و کوچك پختیلر ایلله قاریشیق ادرار آلیندی. بناءً علیه مثانه ده بر صوندا براقدم.

ایرتسی کونی درجه حرارت ۳۸، نبض ۱۰۰ احوال عمومیه فوق العاده آبی. صوندا کوزهل ایشله یور ادرارده قان یوق. ۴ نیسان: حرارت نبض حال طبعیده. بلا عارضه شفایاب اولان مجروح خسته خانه یی ۲۶ نیسانده ترك ایتدی.

آلتیمی مشافره . —

أمعاده متعدد قورشون یارالری - دیکیش - شفا

تدرنه مبتلا بر بولغار نفری. ۱۳ تشرین ثانی ۹۱۲ ده چادیر ایچنده صیرت اوزری یاتوب او یومقده ایکن بویوک چاپده و اغلب احتمال بر ووه لوه ر قورشونیه کوبکنک آلتندن وصول عضله مستقیمه کیره (Grand droit) حذاسندن یارالانمشدر. هلال آحر خسته خانه سنده عملیاتخانه نك و آلات وادواتک نقصانی و معاون ایلله قلور و فورم ویردن افندیلرک تجربه سزلیکی کیی فنا شرائط داخلنده و وقعهدن ایکی ساعت صوکر اعملیاته باشلایوب مجروحک قارنینی آچدم. باغیر صاقلر اوزرنده یدی یرده کی ده لیکلره دیکیش قویدم. بونلردن بریسی « مساریقه » نك أمعایه یاپیشدیغی محله مصادف ایدی. باغیر صاقلر تمیز وده لیکلردن

طیشاری به هیچ بر شی آقامش ایدی . « دوغلاس » رتجنه (Cul-de-sac) (de Douglas) دره ن قویارق قارینی طونج (Bronze) ایپلکار ایله قاپادم . خسته بلا عارضه شفایاب اولدی . فقط کنديسندده موجود ورم خسته لغی سبيله اوزون مدت خسته خانه ده قالدی .

بوايكي مشاهده یوقاریده قولونك باخصوص صولده كینك یارم صولی محتویاتنك قارین ایچنه دوکولمه سنك وهضم معائی زماننده اینجه باغیر صاقلری دولدیران مایعه نسبتله وخامتک آزلی حقننده سویله دکریمی تصدیق ایدیور . ایشته دیگر ایکی مشاهده که بونلرده یارالرینك وخامتنه و عملیاتک فناشرائط داخلنده یاپیلماسنه رغماً شفایاب اولدیلر . وقعه لر دن بریسندده بر طرف دن قاراجکرك وبالخاصه قولون شریانلر دن برینك یارالانماسدن متولدکلیتلی ترف مجروحک مقاومتی آزالتمقده دیگر طرف دن قولونده کی یارادن قولونك محتویاتی « پریطوان » ایچنه دوکولمک ده اولماسی وایکینجی وقعه ده ایسه مجروح اولمازدن اول مبتلا اولوب جهالت وقیدسزلغی سبيله آرتمش بولونان برونشیتی ، سرگذشتلرینك حسن صورتله ختامنه مانع اولامامشدر .

برنجی مشاهده

قارینك قورشون ایله نافذ جریحه سی - قاراجکرك وقولونك جرحی - مبذول ترف ، شفا . ۲۲ آغستوس ۱۹۱۲ . ق . مسلمان . صاغ ناحیه مراقیه دن کیردن بر رووه لوه ر قورشونی ایله مجروح اولمشدر . یارالاندق دن دورت ساعت صوکر خسته خانه یه کتیریله رک عملیاتی یاپیلمشدر . قارین عضله مستقیمه آراسندده وقورشونك کیردیکی ده لیکن یاریلار ق آچیلنجه قاراجکرك اوک کنارنده بریارا ایله « قولونی مهزو » [Mésocôlon] سنه یاپیشدیغی محل دن دهله رک اورادن برشریانك شدتله ترف ویرمه سنه سبب اولان دیگر بر جرحه کورولدی . رقاین ایچنده چوق مقدارده قان ، « مزوقولون » ک ایکی قاتی آراسنده « هاتوم - قان شیشی » موجود . قارینده طوپلانمش قان ایچنده انجیر چکر دکری واردی . ودهشتلی قذورات قوقوسی نشر ایدیوردی . ترف کلن شریان باغلانوب

قولونده کی ده لیکه ایکی قاتلی دیکیش قونمش، قاراجکرده کی یارا قالین «قاتکوت» ایله دیکیش و بریسی قاراجکر و دیکری «مه زوقولون» ایله تماسده اولمق اوزره ایکی عدد غازفیتیل براقیلار قارین ناتمام بر صورتده دیکیشدر .

نبض، عملیاتی متعاقب ایکی کون قادر فنا بر حالدده قالمش ایسه ده خسته ثقلی یرفیتول (Fistul stercorale) دن باشقا هیچ بر عارضه ابراز ایتمه دن شفا یاب اولمش و بوفیتول ده اون بش کون ظرفنده کندیلمکدن قاپانمشدر .

سکندنجی مشاهره

یچاق ایله بطنده جریحه نافذه - بر باغیر صاق عروه (anse) سنک دیکیش سی برونشیت - شفا

۱. س. ۴۵. یاشنده بر مسلمان. ۶ اغستوس ۱۹۱۱ ده بلدی خسته خانه سنه صول ناحیه قطنیه سندن بر یچاق ایله مجروح اولدینی حالدده ووقعه دن طقوز ساعت صوکر اکر مشدر . احوال عمومیه فنا و اولدجه شدتلی بر عمومی برونشیت موجود . صول بو کرینه یاقین بر محلدده عضله لر آراسندن قارین آچیلنجه قذورات قوقوسنده بر صوچیه قدی. بورادن صوقولان آل برامعاء عروه سنه راست کلدی که بونده کنیش برده لیک واردی و بورادن صفرا یی حاوی محتویاتی آقوردی . ایکی قاتلی دیکیلوب غازایله صاریلمش بره «دره» قونولمش و یارا آچیق براقیلار «تامپون» وضع ایدیلشدر .

ایکی ساعت صوکر ا تصادفاً برقاج دقیقه اوداسنده یالکز قالمش اولان خسته یاقیننده بولونان پنجره یه دوغرو قالقارق بولدینی بر مقدار یوغوردی یمشدر . مبتلا بولوندینی برونشیت ده سیرینه دوام ایله نفس کوچلکی و صیقینتی یی موجب اولمقله برابر یاواش یاواش کچمش خسته نك صیجاقلنی دوشمش و آبی اولمشدر . بوصوک مشاهده، سببیت و یردیکی مداخله جراحیه نقطه نظرندن دیکر بر مسئله میدانده چیقارییور : یارانک بولوندینی موقعدن اوزاق اولارق خط متوسط اوزرنده «لا پاروتومی» یا پمقدن صاقیندم. چونکه ظن ایدیورم که یچاق یارالرنده دائماً بویله حرکت ایتک یعنی مجروح اولان نقطه یه ممکن مرتبه یاقین بر نقطه دن

مداخله ایتک لازمدر. زیرا بریچاغک اوجی آنجاق محدود بر محله قادار کیده بیلیر بو حالدده مجروح اولان امعاء عروهلرینی بولمق ایچین بویوک تحریاته احتیاج یوقدر و بوصورتله حرکتله امعایی قابل اولدیغی قادار آرزده له مک ، آفرزده اولان اعضایی محللرندن چیقاروبده بویوک قارن بوشاغنی کیره تمکدن احتراز ایتک قابلدرد. بومسئله نك شایان اعتراض اولمادیغنی ظن ایدردم. هر نه قادار بویولده بر مطالعه یه هیچ برأثرده تصادف ایتمه مش ایسه مده بوددا حتمالکه غایت آشکار بولونماسی سببیه در فقط قورشون یاراسنه کلهجه ایش ده کیشیر و مناقشه قابوسی آچیلیر : مرمینک کیردیکی ویا چیقدیغی فتحه نك یاقینندن « لاپاروتومی » یامق بکا اکثر دفعه موافق کیی کورونمش ایسه ده آچدیغیم یولاً کر برآز دارکایرسه عضله نك ألیافه عموداً یاپیلاجق بر شق داها علاوه سیله یارایی کنیشه تمکده تردد ایتهم . معلوم درکه عضلاتک بویله کسیلمه سی عصبلی کسن دیگر شقلردن ده آاز (Eventration) ه مساعد اولدقن باشقا عملیات ساحه سنی ده چوق کنیشه تیرم

طقوز می مشاهد

قارا جکرده قورشون یاراسی - دیکیش - شفا

م . ه . ق اسمنده اون دورت یاشنده و صرعلی برمسلمان . ۱ نیشان ۹۱۰ ده کندی کندیسنی کوچک چاپده بررووه لوهر قورشونیه ناحیه شرسوفیه سندن جرح ایتشدرد . مجروحی کوردیکم زمان وقعیه یی ایکی ساعت کچمش اولقله برابر احوال عمومیه سی فنا ، نبض سرعتلی ، قارن شیشمش وجعلی ، أضم (Mat) قارین ایچنده بویوک نرف علامتی ایدی . کوبک آلتندن و خط متوسطدن قارین آچیلنجه یخیتیلرله قاریشیق قان چیقمهغه باشلادی . نرف قاراجکرک وجه علویسندن کلیور کیبیدیسه ده تمامیه نره دن کلدیکنی کورمک قابل ده کلدی . بویوک مستقیمه عضله سنی ألیافه عموداً کسوب قاراجکرک اوست رباطنی قطع ایتدم . بوسایه ده قاراجکرک یوقاریکی یوزینی آشاغنی یه دوغرو چکوب قانامقده اولان بریارا کوره بیلدم . و خاچ شکلنده اولان بویارایی ایکی بویوک قاتکوت (Catgut) ایله دیکدم .

معدنهك ، قولون ، كبدهك آلت یوزی دقتله معاینه اولونار ق سالم بولونمش قاراجكرده کی یارایه بر فیتیل قونمش و قاراجكرك آلت یوزینه دخی دیگر بر فیتیل یاپیلار ق عملیات محلی برقاق قات دیکیش ایله قاپانمشدر .
 عملیاتك ایرتسی کونی احوال عمومیه ینه فنا ، قارین شیشکین ، خسته ده صیقینتی موجود ، تنفس صیق صیق ، نبض ۱۲۰ ، درجه حرارت ۳۹ ایدی .
 فیتیللر ایکینجی کونی چیقاریلیدی ، اوچونجی کونی خستهك حالی ائی نبض ۹۰ ، حرارت ۳۷ ایدی .

۲۹ نیسانده شفاء خسته خانه دن چیقیدی .

مداخله جراحیه اثناسنده دائماً قانایان نقطه لری و دیکیه لك ده لیکلری میدانه چیقارمغه ، هرشیدن اول دقت ایتمه لیدر : بونلری بردفعه بولدقن صوکره جراحك اتخابنه قالمش اصوللر ایله قاراجكری دینله مك ، أمعاده کی ده لیکلری قاپاتمق کی مسائل عادیه قالیر که بونلر ایچون برشی سـویله مك لازم ددکلدرد .
 یالکز نظر دقتی جلب ایده جکم برشی وار که اوده هر نه وقت براینجه باغیرصاق خلقه سی اوزرنده (عروه Anse) اوافق برمسافه اوزرنده متعدد ده لیکلر کورولورسه باغیرصاق داخلنده دورانی منع ایتمه یه لك صورتده و طار التمامق شرطیله هر برده لیکی آیری آیری دیکمه که اوغراشمقله وقت غائب ایتمکدن ایسه بو پارچه یی کسوب آتار ق امعانك یوقاریکی قسمنی آشایکی قسمیله برله شدیر مکدن صاقینماقدر .

ایشته سزه برمشاهده کی بونده امعانك نشری (Résection) فوق العاده نتیجه ویرمشدر :

اوتنجی مسأله —

قارینك نافذ یاراسی — الیه دن کیره ن قورشون — باغیرصاقده اون ده لیک —
 دیکیش — امعانك نشری — شفا

۵ نیسان ۱۹۱۰ ده ژ . ا . اسمنده ۳۰ یاشنده بر موسوی بویوك چاپده بر رووه لور قورشونیه صول قالچاسندن مجروح اولدقن اوچ ساعت صوکره

سلانیك بلدیة خسته خانه سنه کتیر یلش و قورشون صاغ قالچاسنك دیندن وهمان ده خیط ورکی مشطی (Bandelette iléo-pectinée) حذاسندن چیقمشدر. احوال عمومیه سی فنا و مجروح صولغون و (شوق Choc) حالنده اولوب قی ایتکده ، نبض سرعتلی و ضربانی فنا ایدی . در حال عملیات .

صول عضله مستقیمه کیره نك صول کنارندن اوزونلغنه کسنجه بطن جوارنده بویوک بر « هاتوم » میدانه چیقدی . فقط قانك نره دن کلدیکنی کورمك قابل اولمایوردی . قارینك ایچی قان ایله دولو ایدی . قولون و اینجه باغیر صاقلر اوزرنده یدی دهلیك دیکیلدی [کیده شکننده و صو کرا مصلدن مصله « سورژه » (Surjet sero-séreux) دیکیش) . أمعای رقیقه عروهلرندن برنده بشر سانتیمتر و مسافه ده اوچ بویوک دهلیك واردی . بو پارچه بی تمامیه کسوب آتارق قالان قسمنی اوج اوجه دیکدم « دوغلامسی » رتجنه « درهن » قویوب بطن جدارینی کوموش ایپلک ایله برقات دیکدم .

ایرتسی کوندن اعتباراً نبض و حرارت حال طبعیده ، احوال عمومیه فوق العاده آبی اولوب خسه اون سکزنجی کونی تمامیه شفا حالنده چیقمشدر. کورولویورکه بو مشاهده ایله ایکنجی مشاهده قورشون قارین ایچنه الیه طرفندن کیرمشدر. و هرایکی وقعه ده بر خروج فتحه سی موجود اولماسی سببیه یارانك نافذ اولدیغی شبهه سز و قورشونك مسیری معلوم ایدی . قورشون وجود داخلنده قالدیغی زمان حصوله کله جك مشکلاتی ایضاحه حاجت یوقدر. بو حالده تعقیب ایدیله جك یکانه قاعده دائماً بنم تعقیب ایتدیکم اصولدر : قورشونك قارین جداری آراسنده قالدیغنه امنیت اولمایان بوتون احوالده قارینی آچق لازمدر — معلومدرکه « رادیوسقوپي » ایله ، مجروح اولان ساحه بی معاینه قابل اولورسه بو واسطه ایله قیمتلی معلومات آله ایدیله بیلیر — قارین جوارنده کی ناحیه لرك آفتزده اولدیغی پك چوق احوال ایچین دخی مسئله عینیدر : فخذك کوکی ، الیه ، ناحیه قطنیه و کوکسك آشایکی قسملری کیی .

آتیده کی اوچ وقعه بو صو ک نواحیده کی جروح سببیه اجرا ایتدیکم لاپاروتومیلردر : بر دفعه سنده « لاپاروتومی » تحری مقصدیه یاپیلش

(Laparotomé exploratrice)، دیگر مجروحلرده قاراجکر و حجاب حاجزده یارالری بولمغه یاردیم ایتمشدر.

اون برنجی مشاهدہ

ناحیة شرسوفیه نك قورشون ایله غیر نافذ یاراسی - عملیات - شفا

ر. س. ۲۸. یاشنده بر موسوی. ۱ شباط ۹۱۰ ده بریانغینی کورمک ایچین پنجره یی آچارق ناحیة شرسوفیه سنه «معدہ چوقورینه» اصابت ایدن بر رووه لوهر قورشونیه یارالانیر. بش ساعت صوکر اهریش خسته خانه سنده کنديسی کوردم. احوال عمومیه سی آبی اولمقله برابر بولانیتسی وار وبر آزقان تو کورمش. قورشون ذیل خنجرى (Appendice xyphoide) نك ایکی سانتیمتر و آشاغیسندن و خط متوسطك برقچ میلیمتر و صول طرفدن کیرمش وصول طرفده اون برنجی قابورغه نك نهایتدن چیقمشدر. خط متوسط اوزرندن تحری ایچین یاپیلان بر «لاپاروتومی» قاراجکر، معدہ و جدار بطن بریطواننك سالم اولدقلرینی کوسترمشدی. یکرمنجی کونی نتیجه شفایه منجر اولدی.

اون بیلنجی مشاهدہ

ذیل خنجریده ییچاق یاراسی - «پلورا» دییافراغم (Diaphragme) قارا جکرک یارالانماسی - عملیات - شفا.

۱۶ تموز ۹۱۱ تاریخنده م. ه. اسمنده اوتوز یاشنده بر مسلمان یوقاریدن آشاغی وصولدن صاغه اصابت ایدن بر ییچاق ایله ذیل خنجریسندن مجروح اولدیغندن یارم ساعت صوکر بلدیہ خسته خانه سنه کتیردیله. ییچاق قیقیرداغی کسه رك پلورایه کیرمشدی. لاپاروتومی. ورید سروی و قارا جکرک رباطی کسیلوب دیا فراغم اوزرنده کی بریارا ایله قارا جکر اوزرنده قانایان اوزون بر چیزکی دیکیلمش وقارا جکرده کی یارا اوسته اوجی خارجدہ قالمق اوزره برغاز فیتیل قونولارق قارین قسماً قاپادیلمشدر. هیچ بر اختلاط اولمقسزین برنجی درجه ایله قاپانمشدر.

لورہ اور منجی مشاہدہ

قارین ایچندہ کی اعضا یہ طوقونمقسنزین کوکس وقارینک بیچاق یاراسی وحاجزک جرحی
- دیکیش - شفا

ژ . م . اسمندہ ۳۲ یاشندہ بر موسی بیچاق ایله مجروح اولدقدن بر ساعت
صوکر ابلدیہ خستہ خانہ سنہ کتیریلدی . ودر حال چاغیریلدم . کورددم کہ طقوزنجی
صول قابورغہ آرالغندہ بریارا موجود اولوب بورادن بش سانتیمترو بویندہ
برثرب (épiploon) پارچاسی صارقیوردی .

منحنی برشق یاپوب ایکی صول قابورغہ قیقیرداغنی کسدم و قاپو قنادی
کیبی یوقاری دوغرو قالدیرارق برده لیک آچدم . بورادن معدہ نی دقتله معاینه
ایدہ رک سالم اولدیغنی کورددم « دیافراغم » و « پلورانک » مشترک بریاراسنی
دیکدکن صوکر ا قاپاغی بر « تامپون » اوزرینه چویرہ رک بر « تامپونمان » یاپدم .
نتیجه طبیعی ، شفا سریع اولدی .

شایان دقتدرکہ بوصوک مشاہدہ حاجزدن کچن بر آلت قاطعه قارین
بوشاغنی آچدیغنی حالده هضم جهازینی قطعياً آفتزده ایتہ مشدر . بویله مشاہدہ لر
بالطبع غایت نادر در .

اگر Le Dentu و Delbet نک ثرہ نهنسک یدنجی جلدینک ۳۸۲ نجی
صحیفہ سی آچیلایق اولورسه معلم (A. Guinard) ک یازدیغنی قسمده شونلر
کوریلہ جکدر؛ « Malgaigne » . نظراً قارینک احشاء ایله تماماً دولو اولماسی
بوتون قلاسیکلر طرفندن قبول ایدیلش اولان بواحتماله مساعدہ ایدہ من
عادی بر نفوذ (یعنی یالکز بطن جدارینہ ده کوب داخلده کی اعضا یہ طوقونمایان)
غایت احتیاط ایله و آنجق ده لیجی آلتلر ایله یاپیلان جروح ایچین قبوله شایان
اولہ بیلہ جکسده کسکین آلتلر ایله واقع اولایق جروح ایچین قطعياً قبول
ایدیلہ من ظن ایدہ رم .

مع مافیه ذکر ایتدیکم غیر قابل اعتراض مشاہدہ یہ داها دیگر ایکسینی ده
علاوه ایدہ جکم کہ بونلرده ده کسکین آلتلر احشادن (Viscère) هیچ برینه
طوقونمقسنزین قارینہ نفوذ ایتمشدر . بووقعه لردن برنجیسندہ جرحک صورت

اجراسی تماماً آکلاشیلیور : برجام پارچه سی برقابورغهنک اوزرندن قایارق مجروحی قارینندن یارالامشدر .

اوره دردنجی . مشاهدہ

برجام پارچه سی ایله قارینک نافذ یاراسی - ثربک چیقماسی - احشاده یارا یوق - شفا

۱ ایلول ۹۱۱ ده موسوی خسته خانه سنه صباح ویزیته سی یایمق اوزره کیتدی کم زمان برکون اول خسته خانه یه کتیریلش وبکا عجله خبر ویرمکه لزوم کورولمه مش برچوجق کوردیم . بوچوجوق برشیشهنک اوزرینه دوشهرک شیشهنک قیریلما سیله برپارچه سی اونونجی قابورغه اوزرنده بریارا حصوله کتیرمش بریطوانه قادار نفوذ ایتمش اولان بویارادن برثرب پارچه سی صارقمقدہ بولونمشدر . خسته نک احوال عمومیه سی فوق العاده آیی . یارای درحال کنیشله تهرک باغیر صاقلرک سالم اولدیغی کورلیدی . یارادن چیقان ثرب پارچه سی کسیله رک یاره قسماً قاپانوب « تامپونمان » یاپیلیدی .

برنجی درجه ایله قاپاندی وخسته آییله شدی .

شمیدی بیان ایده حکم وقعه ایسه غایت نادر در . بن محررات طیه ده بوکا یکزه ر بروقه یه تصادف ایتهدم کوزه چارپاجق قادار آشکار اولان بومشاهده ایچین آریجه ایضاحات ویرمکه اوغراشما یا جغم .

اوره شنجی مشاهدہ

یچاق ضربه سی ایله قارینک نافذ یاراسی - امعانک جرحی - برامعا پارچه سنک قارین جدارندن فتق یایماسی - انسداد امعاء - عملیات - شفاء .

ی . م . م . ۱۰ نیشان ۹۱۲ ده خسته خانه ده بولونمادیغم بر زمانده یکر می یاشنده بر موسوی بی بلدی خسته خانه سنه نقل ایتمشلر . برقاچ ساعت اول صول حفره حرقیه سندن یچاق ایله یارالانمش و یارا ایچنه برامعا عرویه سی صوقولمش اولدیغی کورولویوردی . معاونلرم یارای کنیشله تهرک فتقی تشکیل ایدن عرویه نک سالم اولدیغی کورومشلر وقارین ایچنه اعاده ایتمشلر . فقط بو آندن اعتبار آخسته نک

احوال عمومیه سی فالاشمش بن خسته یی عملیاتک دوردنچی کونی کوردم و برانسداد اعراضی مشاهده ایتدم. نبض یاواش، حرارت طبیعی ایدی. یارا دیکلیمش اولمقله برابر معاونلرم دن بریسی طرفندن ایکنجی دفعه اولارق اورتادن آچیلان برفتحه دن بر باغیر صاغک فیرلادیغی کورولدی. در حال یارایی بویولته رک کوردم که اولجه ایجرییه اعاده ایدیلن باغیر صاق عروده سی قارین ایچنه ده کل «پریطون» ایله عضلاتک آراسنه صوقولمش و شمدی اورایه یاپیشمش قالمشدر. باغیر صاغی التصاقلرندن آیروب سالم اولمقله قارن بوشلغنه قویدم و یاره یه «درهن» وضع ایتدم.

دوران معائی ایرتسی کوندن اعتباراً باشلامش وخسته شفایاب اولارق بش هفته صوکر ا خسته خانه دن چیقمشدر.

بواوچ مشاهده یه نظراً بوکیبی تصادفلرک کثرتی اعتقادنده بولوندیغی ظن ایدیلمه سین. قارینک نافذ یارالرنده هر وقت قارین ایچنده کی اعضانک مجروح اولوب اولمادیغنی کمال دقتله آرامق و آقترده اولدیغنی شبهه لی کورینن بالجمله احشایی جدی بر صورتده معاینه ایتدکن صوکر ا جرحک یالکیز قارین جدارینه منحصر بولوندیغنه حکم ایله مک لازمدر. بو قادار آذوقعه لر میاننده عادی نافذ (یعنی قارین ایچنده کی احشایه طوقونماش) اولمق اوزره اوچ وقعه یه تصادف ایدیشم بالطبع بر تصادفدن عبارت و بوندن چیقاریلا جق بر نتیجه وارسه اوده هر راست کلن ایستاتیسیتقه اوقادار اعتماد ایتمه مکدر.

بومطالعاتمی اکمال ایتمک و سلانیکده کوردیکم بوتون نافذ قارین یارالرنه خلاصه ایتمش اولمق اوزره داها بر صوک مشاهده ذکر ایده جکم که بوده اشبو مقاله نك باش طرفنده ایما ایله دیکم وقعه در. بونده عملیات اجر اسندن قرق سکز کون صوکر ا و عملیات شفا ایله نتیجه له ندیکی حالده وهیچ بر قارین انتانی و باغیر صاق انسدادی اعراضی کوستر مکسزین بر آاز ترفع حرارتدن صوکر ا معند قیلر نتیجه سنده خسته وفات ایله مشدر. اشبو وقعه ده تشخیص ایچین مناقشه بیهوده در ظن ایده رم. چونکه مشاهده نك مطالعه سی بوبابده فکر ویره جکدر فقط بومشئوم نتیجه نك نه یه عطف ایدیه جکنی ده بولامادیغنی اعتراف ایده رم.

اوره آلتنجی مشاهدہ

بطنك نافذ یاراسی - ابعانك جرحی - دیکیش - عملیات - شفا
معدنهك تحملنزلکی - ۴۰ نجی کونی وفات

۱. و. ۲۵. یاشنده برعمو مخانه سرمایہ سی. ۵ مایس ۹۰۹ ده بریسی
فیخذندن کچن ایکی رووه لوهر قورشونیه یارالانمش، قورشونلردن ایکنجیسی
ون ایکنجی فقره ظهریه حذاسندن وعمود فقرینك صاغ طرفندن کیره رك
عین حذاده صاغ بوکرنندن وممه باشندن چکیلن خط اوزرنندن چیممشدر.
اوچوننجی ساعتی عملیات یاپیلدی؛ مستقیمه کیره عضله سنك صاغ کنار ی بویونجه
وقورشونك چیقدیغی ده لیک انسیسندن اوزون برشق یاپیلدی. غایت یاغلی اولان
ثرب بر طرفه چکیلنجه مستعرض قولون اوزرنده و اوزون بر ثرب قسمنك ایچنه
کومولش بر محله بر یارا بولوندی. یارا دیکیله رك ثرب ایله قاپایلش وقولون
چوریله رك آرقا طرفنده بولنان بر یاراده عینیه دیکیلوب بر ثرب پارچاسیله
قاپایلمشدر. دریندن بر مقدار قان کلیوردی. بناءً علیه مستقیمه عضله سنی افقی
اولارق کسیدیکمز حالده بیله قارا جكر آرقا یوزینه واصل اولامادق. مع مافیه قارا
جكره تماس ایده جك صورتده بر فیتیل ایچری یه دوغرو قایدیروب درهن قویدم
وکوموش ایپلک ایله قسمماً دیکدم.

۶ مایس — خسته نك حالی آیدر. فقط قوصویور. وچوق مضطربدر.
درجه حرارت ۳۷,۶ و ۳۷ در.

۷ مایس — خسته بوصباح قوصدی. اضطراب دوام ایدیور.
معقددن غاز چیقارمشدر.

۸ مایس — احوال عمومیه آبی. قوصمق طور مشدر. حرارت ۳۷,۸
و ۳۷ ایسه ده نبض (۱۳۰) در.

۱۰ مایس — نبض (۸۰) در. اسهال. آقشام خسته صوغولجان
قوصدی. اضطراب کسیددی.

۱۲ مایس — باغیر صاقلر وظیفه سنی طبیعی اولارق ایفا ایتکده در. خسته
ساکندر. نبض و حرارت طبیعی. درهنلر چیقاریلدی.

۲۰ مایس — شدتلی حمانوبتی . قی ، قارینده آغری . ایرتسی کونی نوبت و آغری کیلیمش ایسه ده بو آندن اعتباراً قی بلافاصله دوام ایتمکده و صفرایی حاوی بولونمقده در . قیده مواد ثقیله هیچ یو قدر حتی سیاه بیله ده کدر . اشتها سزلق موجود ، قارین یوموشاق ، فقط خسته قارینندن مشتکی دفع طبیعی اولجه اسهال حالنده ایسه ده تکرار حال طبیعی بی آلمشدر . ادرار لر طبیعی . نبضنک اویاکنه رغماً ضعفیت آرمقده واحوال عمومیه قنلا شمعقده در .

۲۹ مایس — دائماً عین حالده . انسداد اعراضی موجود اولماقده برابر معدنی ییقامق ، یوزی قویون یاتیرمق کبی تدابیر بیهوده یره تجربه ایدیلدی . حرارت ، نبض ، دفع طبیعی حال طبعیعه در . فقط قیلر متادیا دوام ایتمکده وتانی (Tétanie) کتیر مکده در . نهایت خسته عملیاتک قرقنجی کونی وفات ایتدی نه تشخیص ایده بیلدک ؛ نه ده اوتوپسی یاپایلدک .

دوقنور درو یفوس

